



Sarajevo, 21.09.2020.

Saopćenje za medije

EUROPSKA UNIJA PODRŽAVA OSNAŽIVANJE MEHANIZAMA ZAŠTITE LJUDSKIH PRAVA PRI KORIŠTENJU POLICIJSKIH OVLASTI

U Sarajevu je 15.09.2020. godine, u okviru projekta "Policija i poštivanje ljudskih prava u BiH" podržanog od strane Evropske unije, održan okrugli stol na temu „Mehanizmi zaštite ljudskih prava u slučaju zloupotrebe policijskih ovlasti“. Učešće su uzeli predstavnici institucija vanjskog nadzora nad radom policijskih službenika kao što su Institucija ombudsmena/ombudsmana za ljudska prava u BiH, uredi/odbori za žalbe javnosti/građana s državnog, entitetskog i županijskog nivoa, te predstavnici unutarnjih kontrola policijskih agencija i akademske zajednice.

Tom prilikom, učesnici su imali mogućnost upoznati se sa iskustvima istih ili sličnih institucija i primjerima dobrih praksi iz Velike Britanije, Sjeverne Irske i Republike Hrvatske. Posebno zanimljivu specifičnost mehanizama građanskog nadzora nad radom policijskih službenika vidjeli smo na primjeru iz Hrvatske, s obzirom da u njihovom radu učestvuju ili članove tih tijela biraju predstavnici civilnog društva i akademske zajednice.

Kako je istakao Benjamin Plevljak, projektni menadžer Centra za sigurnosne studije u Sarajevu, inače jednog od implementatora projekta, hrvatski model bi se mogao replicirati i u Bosni i Hercegovini, a sve u cilju dodatnog osnaživanja nepristrasnosti i transparentnosti u radu mehanizama građanskog nadzora nad radom policijskih službenika.

Učesnici su imali priliku razgovarati i razmijeniti dosadašnja iskustva u radu njihovih institucija, a jedno od pitanja na koje je posebno ukazano je potreba zakonskog ujednačavanja organizacije ureda/odbora za žalbe javnosti/građana na županijskim nivoima.

Projekt „Policija i poštivanje ljudskih prava u BiH“, u okviru kojeg je i organiziran ovaj okrugli stol, ima za cilj unaprjeđenje ravnopravnosti spolova u policijskim agencijama, promovirati ulogu žena u policiji, te poboljšati poštivanje ljudskih prava prilikom primjene policijskih ovlasti kroz promociju mehanizama zaštite ljudskih prava u slučaju zloupotrebe policijskih ovlasti. Projekt je financiran od strane Evropske unije, a implementiraju ga "Centar za sigurnosne studije" Sarajevo, Udruženje „Mreža policijskih službenika“ Sarajevo i Ženevski centar za upravljanje sigurnosnim sektorom iz Ženeve.

Za više informacija o projektu posjetite: www.css.ba.